



Trg pravde 10, 76100 Brčko distrikt Bosne i Hercegovine; web: jt-brckodistriktbih.pravosudje.ba; tel: 049/217-227; faks: 049/219-088; e-pošta: jtbd@jtbd.ba  
Трг правде 10, 76100 Брчко дистрикт Босне и Херцеговине; web: jt-brckodistriktbih.pravosudje.ba; тел: 049/217-227; факс: 049/219-088; e-пошта: jtbd@jtbd.ba

**Broj:T18 0 KT 0017514 24**  
**Brčko, 16.08.2024. godine**

Na osnovu člana 35. stav (2) tačka z) i člana 226. stav (1) Zakona o krivičnom postupku Brčko distrikta BiH, podižem:

## OPTUŽNICU

**Protiv:**

**D. N. (...)**

**Što je:**

**1.**

Dana 26.01.2024. godine oko 14,24 časova, u ulici ..., Brčko distrikta BiH, u namjeri pribavljanja protivpravne imovinske koristi male vrijednosti na osobito drzak način, došao do sportske kladionice „Meridian“, ušao u unutrašnjost i držeći macolu u ruci prišao radnici S. Z. s leđa, koja se nalazila za kasom sa novcem, te joj rekao da se makne, spustio macolu iz ruke pored nje, uzeo novac iz kase u iznosu od 450,00 KM u apoenima od 50,00 i 100,00 KM ne obazirući se na traženje radnice da novac ne dira i da vrati novac, sa bratom S. N. udaljio se iz kladionice, čime je za sebe pribavio protivpravnu imovinsku korist u visini od 450,00KM, za koji iznos je oštetio vlasnika sportske kladionice,

**dakle**, u namjeri pribavljanja protivpravne imovinske koristi na osobito drzak način oduzeo tuđu pokretninu,

**2.**

Dana 02.02.2024. godine, oko 13,00 časova, u ulici ... u Brčkom, ispred pekare „Nimex“, svjestan da upućivanjem ozbiljnih prijetnji ugrožava bezbjednost D. H, što je i htio, došao ispred pekare „Nimex“ sa nožem u ruci te dok je D. bio u unutrašnjosti pekare sa djetetom u naručju, uputio mu ozbiljnu prijetnju riječima „hajde izađi da te izbodem“, usljed čega je kod D. prouzrokovao osjećaj straha, uznemirenosti i bojazni za vlastiti život i život maloljetnog djeteta, te svjestan da upotrebom noža može oštetiti putničko motorno vozilo marke „Mercedes“ registarskih oznaka ... što je i htio, a nakon što je D. sjeo u vozilo, D. je tri puta zamahnuo nožem i pričinio oštećenja na poklopcu haube vozila koje se nalazilo parkirano ispred pekare „Nimex“,

**dakle**, ugrozio bezbjednost drugog lica ozbiljnom prijetnjom da će ga teško tjelesno povrijediti i oštetio tuđu stvar,

**čime bi**, pod tačkom **1** počinio krivično djelo Teška krađa iz člana 281. stav (1) tačka 2) Krivičnog zakona Brčko distrikta BiH, pod tačkom **2** krivično djelo Ugrožavanje sigurnosti iz člana 180. stav (1) Krivičnog zakona Brčko distrikta BiH i krivično djelo Oštećenje tuđe stvari iz člana 287. stav (1) Krivičnog zakona Brčko distrikta BiH u vezi sa članom 54. istog zakona.

[...]

Ovom objavom ne prejudicira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica.